

Վարչական տույժ նշանակելու մասին

«10» մայիսի 2021թ

ք. Սիսիան

Ես՝ ՀՀ ՊԵԿ Հարավային մաքսատուն-վարչության պետ Հայկ Միրզոյանս, ուսումնասիրելով ՀՀ քաղաքացի Վազգեն Մկրտչի Մկրտչյանի (Սյունիքի մարզ, գ. Կարճեվան, 1-ին փողոց, տուն 17, անձնագիրը՝ AT0521153) կողմից մաքսային կանոնների խախտում կատարելու վերաբերյալ նյութերը,

Պ Ա Ր Զ Ե Ց Ի

ՀՀ քաղաքացի Վազգեն Մկրտչի Մկրտչյանը 23.08.2020 թվականին թիվ 05100041/230820/0020784 տարանցման հայտարարագրով Մեղրիի մաքսային կետ-բաժնով իր կողմից ՀՀ ներմուծված 24,000կգ բրուտո քաշով ցեմենտը սահմանված ժամկետում չի հասցրել նշանակման մաքսային մարմին՝ Արարատյան մաքսատուն-վարչություն:

Նշված փաստի առթիվ ՀՀ ՊԵԿ Հարավային մաքսատուն-վարչության ավագ մաքսային տեսուչ-իրավաբանի կողմից 01.04.2021 թվականին հարուցվել է մաքսային կանոնների խախտման վերաբերյալ վարույթ՝ ՀՀ մաքսային օրենսգրքի 195-րդ հոդվածի հատկանիշներով, այն է՝ Հայաստանի Հանրապետության մեկ մաքսային մարմնից մյուս մաքսային մարմնի մաքսային հսկողության ներքո գտնվող **ապրանքները** կամ տրանսպորտային միջոցները և ուղեկցող փաստաթղթերը **սահմանված ժամկետում չհասցնելը**:

ԵՏՄ մաքսային օրենսգրքի 150-րդ հոդվածի 1-ին մասի 1-ին կետի համաձայն.

«Մաքսային տարանցում» մաքսային ընթացակարգին համապատասխան ապրանքների փոխադրման (տրանսպորտային փոխադրման) ժամանակ փոխադրողը, անկախ այդ մաքսային ընթացակարգով ձևակերպված ապրանքների հայտարարատուն լինելու հանգամանքից, պարտավոր է՝ ուղարկող մաքսային մարմնի կողմից սահմանված ժամկետում ապրանքներն ու դրանց փաստաթղթերը հասցնել ապրանքների առաքման վայր՝ հետևելով ապրանքների փոխադրման (տրանսպորտային փոխադրման) սահմանված երթուղուն, եթե այդպիսին սահմանված է:

ՀՀ մաքսային օրենսգրքի 189-րդ հոդվածի համաձայն՝ մաքսային խախտում է համարվում անձի կողմից կատարված անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ծևակերպման սահմանված կարգի դեմ, և որի համար սույն օրենսգրքով նախատեսված է պատասխանատվություն: Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

Վարչական վարույթը պատշաճ իրականացնելու նպատակով հարցումներ են կատարվել ՀՀ Ոստիկանության անձնագրային և վիզաների վարչությանը Վազգեն Մկրտչի Մկրտչյանի վերջին բնակության և հաշվառման վայրերի մասին տեղեկատվություն ստանալու նպատակով և ՀՀ Կադաստրի կոմիտե Վազգեն Մկրտչի Մկրտչյանի անվամբ ՀՀ-ում գրանցված գույքի վերաբերյալ տեղեկատվություն ստանալու նպատակով:

ՀՀ Ոստիկանության անձնագրային և վիզաների վարչությունից ստացվել է տեղեկատվություն առ այն, որ 25.11.1992 թվականին Վազգեն Մկրտչի Մկրտչյանը հաշվառվել է Սյունիքի մարզ, Մեղրի համայնք, գ. Կարճեվան, 1-ին փողոց, տուն 17 հասցեում:

ՀՀ Կադաստրի կոմիտեից ստացվել է տեղեկատվություն առ այն, որ Վազգեն Մկրտչի Մկրտչյանի անվամբ ՀՀ տարածքում անշարժ գույքի նկատմամբ սեփականության իրավունքի պետական գրանցում կատարված չէ:

07.05.2021 թվականին թիվ Ն/23.1/78430-2021 գրությամբ հարցում է կատարվել ՀՀ ՊԵԿ Ներքին անվտանգության վարչություն՝ Վազգեն Մկրտչի Մկրտչյանի սահմանահատումների պատմությունը ստանալու նպատակով:

10.05.2021 թվականի թիվ Ն/2-3/79375-2021 գրությամբ ՀՀ ՊԵԿ Ներքին անվտանգության վարչությունը պատասխանել է, որ Վազգեն Մկրտչի Մկրտչյանը 08.05.2021 թվականին մուտք է գործել ՀՀ:

ՀՀ Մաքսային օրենսգրքի 219-րդ հոդվածի 2-րդ մասի համաձայն.

Գործը կարող է քննվել նաև տվյալ անձի քաջակայության դեպքում, եթե քննության տեղի ու ժամանակի մասին սահմանված կարգով նրան տեղյակ է պահվել, սակայն վերջինիս կողմից որևէ միջնորդություն չի հարուցվել, կամ եթե անձը քաջակայում է, և

հայտնի չէ նրա գտնվելու վայրը, կամ եթե նա գտնվում է Հայաստանի Հանրապետության սահմաններից դուրս:

Վարչական վարույթի նյութերի ուսումնասիրությունից պարզվում է, որ ՀՀ քաղաքացի Վազգեն Մկրտչի Մկրտչյանը սահմանված ժամկետում Հայաստանի Հանրապետության մեկ մաքսային մարմինից մյուս մաքսային մարմնի մաքսային հսկողության ներքո գտնվող **ապրանքները** կամ տրանսպորտային միջոցը և **ուղեկցող փաստաթղթերը** չի ներկայացրել մաքսային մարմիններին:

Ելնելով վերոգրյալից և ղեկավարվելով ՀՀ մաքսային օրենսգրքի 195-րդ, 206-րդ, 219-րդ, 221-րդ հոդվածի 1-ին կետի ա) ենթակետով և ՀՀ վարչական իրավախախտումների վերաբերյալ օրենսգրքի 32-րդ ու 234-րդ հոդվածներով,

Ո Ր Ո Շ Ե Ց Ի

1. Վազգեն Մկրտչի Մկրտչյանին ՀՀ մաքսային օրենսգրքի 195-րդ հոդվածով սահմանված մաքսային կանոնների խախտում կատարելու համար ենթարկել վարչական պատասխանատվության՝ տուգանել **100 000 ՀՀ դրամ**:

2. Որոշման մասին հայտնել Վազգեն Մկրտչի Մկրտչյանին:

3. ՀՀ մաքսային օրենսգրքի 221-րդ հոդվածի 2-րդ մասի համաձայն որոշումն ուժի մեջ է մտնում այն կայացնելու պահից և համաձայն ՀՀ մաքսային օրենսգրքի 222-րդ հոդվածի 2-րդ մասի որոշումը կարող է բողոքարկվել վերադաս մաքսային մարմին (պաշտոնատար անձին) որոշումը կայացնելուց հետո՝ 10 օրվա ընթացքում կամ ՀՀ վարչական դատարան՝ ՀՀ վարչական դատավարության օրենսգրքով սահմանված կարգով՝ երկամսյա ժամկետում:

Սույն որոշմամբ նշանակված փուգանքի վճարման հաշվեհամարն է. **900005024055՝ 100000 ՀՀ դրամ, նշել 30 կողը:**

ՀԱՐԱՎԱՅԻՆ ՄԱՔՍԱՏՈՒՆ-ՎԱՐՉՈՒԹՅԱՆ ՊԵՏ



ՀԱՅԿ ՄԻՐԶՈՅԱՆ